

ერთის მხრივ ოზურგეთის მუნიციპალიტეტი, წარმოდგენილი გამგებლის მერაბ ჭანუყვამის სახით (შემდგომში „შემსყიდველი“) და მეორეს მხრივ, შ.პ.ს „აგრო გრანდ ჯორჯია“ (შემდგომში – მიმწოდებელი) წარმოდგენილი დირექტორის მურთაზ მეურმიშვილის სახით, „სახელმწიფო შესყიდვების შესახებ“ საქართველოს კანონის მე-10 პრიმა მუხლის მე-3 პუნქტის „დ“ ქვეპუნქტის შესაბამისად და საქართველოს მთავრობის 2015 წლის 19 თებერვლის №67 დადგენილების საფუძველზე, გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია: სამშენებლო მასალები და დამხმარე სამშენებლო მასალები (CPV44100000), კაბელები, მავთულები და მათთან დაკავშირებული მასალები (CPV44300000), შესყიდვა წინამდებარე ხელშეკრულებით გათვალისწინებული პირობებისა და თანდართული ხარჯთაღრიცხვების შესაბამისად, რომლებიც შეადგენენ ხელშეკრულების განუყოფელ ნაწილს.

2. შესყიდვის ობიექტი

2.1. შესყიდვის ობიექტებია:

ოზურგეთის მუნიციპალიტეტში

- სოფ. კონჭკათი მზა ბეტონის შეძენა – 3156,16 ლარი;

- სოფ. კონჭკათი საყანე ფართობის შესაღობად ეკალმავთულის შეძენა – 980,23 ლარი;

- სოფ. კონჭკათი წყლის მილის შეძენა – 1698,20 ლარი;

- სოფ. კონჭკათი ბილიკის მოსაწყობად ცემენტისა და ქვიშაღორღოვანი ნარევის შეძენა – 1709,74 ლარი;

3. ხელშეკრულების ღირებულება

3.1. შესყიდვის ობიექტის ფასი განისაზღვრება ეროვნული ვალუტით.

3.2. შესყიდვის ობიექტის საერთო ღირებულება შეადგენს 7544,33 (შვიდიათასხუთასორმოცდაოთხი ლარი და 33 თეთრი) ლარს, საქართველოს კანონმდებლობით გათვალისწინებული ყველა გადასახადის ჩათვლით.

4. შესყიდვის ობიექტის ხარისხი და გარანტია

4.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს მოქმედ სტანდარტებსა და ნორმებს.

4.2. შესრულებული სამუშაოს საგარანტიო ვადა შეადგენს 1 (ერთი) წელს.

5. შესყიდვის ობიექტის მიწოდების ვადები, ადგილი და პირობები

5.1. შესყიდვის ობიექტების მიწოდების ვადა განისაზღვრება ხელშეკრულების გაფორმებიდან 2015 წლის 1 ივლისამდე.

5.2. შესყიდვის ობიექტის მიწოდების ადგილია: ოზურგეთის მუნიციპალიტეტი სოფ. კონჭკათი.

5.3. შესყიდვის ობიექტის მიწოდებასთან ერთად, მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის.

6. შესყიდვის ობიექტის მიღება-ჩაბარების წესი

6.1. შესრულებული სამუშაოს (ეტაპის) მიღება ფორმდება მიღება-ჩაბარების აქტით, რომელიც დადასტურდება შემსყიდველისა და მიმწოდებლის მიერ უფლებამოსილი წარმომადგენლების ხელმოწერებით.

6.2. შემსყიდველის მხრიდან აქტის ხელმოწერაზე უფლებამოსილია სახელმწიფო შესყიდვების შესახებ ხელშეკრულებების პირობების შესრულების კონტროლის მიზნით მუნიციპალიტეტის გამგებლის 2015 წლის 16 მარტის #261 ბრძანებით შექმნილი კომისია.

7. ანგარიშსწორების ფორმა და გრაფიკი (ვადები)

7.1. მიმწოდებელთან ანგარიშსწორება განხორციელდება ეროვნული ვალუტით.

7.2. ანგარიშსწორება განხორციელდება საქართველოს მთავრობის 2015 წლის 12 მარტის №506 განკარგულებით გამოყოფილი სახსრებიდან, ფაქტიურად შესრულებული სამუშაოს მოცულობის შესაბამისად, მიღება-ჩაბარების (შესრულებული სამუშაოს) აქტი და ფორმა №2-ის შემდეგ ანგარიშსწორება მოხდება 15 (თხუთმეტი) სამუშაო დღის განმავლობაში.

8. მხარეთა უფლება-მოვალეობანი

8.1. შემსყიდველს უფლება აქვს:

- შემოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან მიმართებაში.

8.2. შემსყიდველი ვალდებულია:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

- უზრუნველყოს შესყიდვის ობიექტის მიღება.

8.3. მიმწოდებელს უფლება აქვს:

- მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4. მიმწოდებელი ვალდებულია:

- სამუშაოების პარალელურად მისი ძალებითა და სახსრებით სამუშაო მოედანი გათავისუფლოს სამშენებლო ნაგვისაგან, ნარჩენი მასალებისაგან, დროებითი ნაგებობებისაგან და ა.შ;

- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

9.5. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0,1%-ის ოდენობით.

9.6. ხელშეკრულებით გათვალისწინებული ვალდებულებების 30 კალენდარული დღით ვადაგადაცილების შემთხვევაში მხარეს უფლება აქვს ცალმხრივად შეწყვიტოს ხელშეკრულების მოქმედება და დამრღვევ მხარეს მოთხოვოს ხელშეკრულების 9.5. პუნქტით გათვალისწინებული პირგასამტეხლო და ჯარიმა - ხელშეკრულების საერთო ღირებულების 10 %-ის ოდენობით.

9.7. დამრღვევი მხარე ვალდებულია პირგასამტეხლო თანხა გადაიხადოს შეტყობინების მიღებიდან 30 (ოცდაათი) კალენდარული დღის ვადაში.

10. ხელშეკრულების პირობების გადასინჯვის შესაძლებლობა

10.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11. ფორს-მაჟორი

11.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

11.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

12. დავები და მათი გადაწყვეტის წესი

12.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

13. ხელშეკრულების ინსპექტირების პირობები

13.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

13.2. ხელშეკრულების ინსპექტირებას შემსყიდველის მხრიდან განახორციელებს სახელმწიფო შესყიდვების შესახებ ხელშეკრულებების პირობების შესრულების კონტროლის მიზნით მუნიციპალიტეტის გამგებლის 2015 წლის 16 მარტის #261 ბრძანებით შექმნილი კომისია.

13.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზიჭების მითითებით.

13.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. სხვა პირობები

14.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა; ორი პირი ინახება შემსყიდველთან, ერთი - მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. ხელშეკრულების მოქმედების ვადა

15.1. ხელშეკრულება ძალაში შედის მისი ხელმოწერის თარიღიდან და მოქმედებს 2015 წლის 31 დეკემბრამდე.

16. მხარეთა იურიდიული მისამართები და რეკვიზიტები

შემსყიდველი: ოზურგეთის მუნიციპალიტეტი, წარმოდგენილი გამგებლის მერაბ ჭანუყვამის სახით,

მისამართი: მ. კოსტავას ქუჩა №1, საიდენტიფიკაციო კოდი №237113869

სახელმწიფო ხაზინის ერთიანი ანგარიში 200122900

მიმწოდებელი: შ.პ.ს „აგრო გრანდ ჯორჯია“, დირექტორის მურთაზ მეურმიშვილის სახით,

საიდენტიფიკაციო კოდი: 404 957 105

მისამართი: ქ. თბილისი, საბურთალოს ქ. #42 ბ 47; ტელ: 599 00 21 42

ბანკის რეკვიზიტები: სს „პროკრედიტ ბანკი“. ბანკის კოდი: MIBGGE22

ა/ა GE 59 PC 0673 6001 0000 0491

შემსყიდველი


მ. ჭანუყვამე

მიმწოდებელი


მ. მეურმიშვილი

ხარჯთაღრიცხვა
სოფ.კონჭკათი მზა ბეტონის შეძენა

№	სამუშაოს დასახელება	ერთ.	რაოდ.	ერთ.	ჯამი
1	2	3	4	5	6
1	ბეტონი მ300	კმმ	18	142,88	2571,84
	ჯამი:				2571,84
	ზედნადები ხარჯები 4 %				102,87
	ჯამი:				2674,71
	დღგ 18 %				481,45
	ჯამი:				3156,16

ხარჯთაღრიცხვა
სოფ.კონჭკათი საყანე ფართობის შესაღობად ეკალმავთულის შეძენა

№	სამუშაოს დასახელება	ერთ.	რაოდ.	ერთ.	ჯამი
1	2	3	4	5	6
1	ეკალმავთული ორწვერიანი ცინკის	გრძ.მ	3750	0,213	798,75
	ჯამი:				798,75
	ზედნადები ხარჯები 4 %				31,95
	ჯამი:				830,70
	დღგ 18 %				149,53
	ჯამი:				980,23

ხარჯთაღრიცხვა
სოფ.კონჭკათი წყლის მილის შეძენა

№	სამუშაოს დასახელება	ერთ.	რაოდ.	ერთ.	ჯამი
1	2	3	4	5	6
1	წყლის მილი დ=40 35-6	გრძ.მ	1100	1,258	1383,8
	ჯამი:				1383,80
	ზედნადები ხარჯები 4 %				55,35
	ჯამი:				1439,15
	დღგ 18 %				259,05
	ჯამი:				1698,20

შემსყიდველი



მ. კანუყვაძე

მიმწოდებელი




მ. მეურმიშვილი

ხარჯთაღრიცხვა

სოფ. კონჭკათი ბილიკის მოსაწყობად ცემენტისა და ქვიშაღორღოვანი ნარევის შეძენა

№	სამუშაოს დასახელება	ერთ.	რაოდ.	მასალა		ხელფასი		ტრანსპორტი		სულ ჯამი
				ერთ.	ჯამი	ერთ.	ჯამი	ერთ.	ჯამი	
1	2	3	4	5	6	7	8	9	10	11
1	ცემენტი	ტ	2	195	390	0	0	21	42	432,00
2	ქვიშაღორღოვანი ნარევი (0-40კმ)	კმ	40	11,86	474,4	0	0	12,17	486,8	961,20
	ჯამი:				864		0,00		528,80	1393,20
	ზედნადები ხარჯები 4 %									55,73
	ჯამი:									1448,93
	დღგ 18 %									260,81
	ჯამი:									1709,74

შემსყიდველი



მ. კანუყვაძე



მიმწოდებელი



მ. ბერძენიშვილი